

## Ո Ր Ո Շ ՈՒ Մ

### Արգելադրված գույքը հարկադիր էլեկտրոնային աճուրդով իրացնելու մասին

26.09.2018թ.

ք.Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի հարկադիր կատարող Արման Ավագյանս, ուսումնասիրելով՝ 26.09.2018թ. վերսկսված թիվ 01751795 կատարողական վարույթի նյութերը՝

## Պ Ա Ր Զ Ե Ց Ի

Երևան քաղաքի Շենգավիթ վարչական շրջանի ընդհանուր իրավասության դատարանի կողմից 19.02.2016թ. տրված թիվ ԵՇԴ/0333/02/15 կատարողական թերթի համաձայն պետք է՝ Տիգրան Խաչատրյանից հոգուտ «ԲՏԱ բանկե ՓԲԸ-ի բռնագանձել 16 098 ԱՄՆ դոլար 45 ցենտին համարժեք ՀՀ դրամ և 12 000 ՀՀ դրամ, որից 15 485 ԱՄՆ դոլար 46 ցենտին համարժեք ՀՀ դրամ՝ վարկի մայր գումարի մնացորդը, 552 ԱՄՆ դոլար 92 ցենտին համարժեք ՀՀ դրամ՝ հաշվարկված տոկոսի գումարը, 44 ԱՄՆ դոլար 66 ցենտին համարժեք ՀՀ դրամ՝ ժամկետանց գումարի համար հաշվարկված տույժը և 12 000 ՀՀ դրամ՝ որպես վարկի սպասարկման համար ամսական վարձը:

2. Տիգրան Խաչատրյանից հոգուտ «ԲՏԱ բանկե ՓԲԸ-ի բռնագանձել վարկի գումարի նկատմամբ 15 տոկոս տոկոսադրույքով հաշվարկվող տոկոսներ՝ սկսած 30.01.2015թ.-ից մինչև դրա փաստացի կատարումը:

3. Տիգրան Խաչատրյանից հոգուտ «ԲՏԱ բանկե ՓԲԸ-ի բռնագանձել տույժեր՝ կետանցի յուրաքանչյուր ուշացած օրվա համար 0.1 տոկոսի չափով սկսած 30.01.2015թ.-ից մինչև վճռի օրինական ուժի մեջ մտնելը՝ հաշվարկը կատարելով 1549 ԱՄՆ դոլար 97 ցենտին համարժեք ՀՀ դրամ ժամկետանց գումարի և ժամկետանց տոկոսագումարների նկատմամբ:

4. Տիգրան Խաչատրյանից հոգուտ «ԲՏԱ բանկե ՓԲԸ-ի բռնագանձել ամսական 6000 ՀՀ դրամ որպես վարկային հաշվի սպասարկման գումար՝ սկսած 30.01.2015թ. մինչև 21.07.2017թ.:

5. Տիգրան Խաչատրյանից հոգուտ «ԲՏԱ բանկե ՓԲԸ-ի բռնագանձել 153 661 ՀՀ դրամ 40 լումա՝ որպես հայցվորի կողմից նախապես վճարված պետական տուրքի գումար:

6. Բռնագանձումը տարածել 22.07.2014թ. կոշտ գրավի թիվ S-018ԱԼ/Գ պայմանագրով գրավադրված Տիգրան Խաչատրյանին սեփականության իրավունքով պատկանող MERSEDES-BENZ CLS55 AMG KOMPRESSIONER մակնիշի ավտոմեքենայի վրա:

Պարտապանից պետք է բռնագանձել նաև բռնագանձման ենթական գումարի հինգ տոկոսի չափով գումար, որպես կատարողական գործողությունների կատարման ծախս:

Իրականացված կատարողական գործողությունների ընթացքում գրավի առարկան <<Ամինտաս Գրուպ>> ՍՊԸ-ի կողմից գնահատվել է 3.500.000 ՀՀ դրամ, որը նվազագույն աշխատավարձի հազարապատիկի և ավելի չափով բավարար չէ պահանջատիրոջ պահանջները բավարարելու համար:

Պարտապանին պատկանող այլ գույք կամ եկամուտներ չեն հայտնաբերվել:

24.07.2018թ.-ին պահանջատիրոջը և պարտապանին առաջարկվել է նրանցից որևէ մեկի նախաձեռնությամբ 60-օրյա ժամկետում սնանկության հայց ներկայացնել դատարան և 24.07.2018թ.-ին թիվ 01751795 կատարողական վարույթը կասեցվել է <<Սնանկության մասին>> ՀՀ օրենքի 6-րդ հոդվածի 2-րդ մասով, <<Դատական ակտերի հարկադիր կատարման մասին>> ՀՀ օրենքի 28-րդ հոդվածով և 37-րդ հոդվածի 1-ին մասի 8-րդ կետով:

Պահանջատիրոջ և պարտապանին առաջարկված 60 օրյա ժամկետը լրացել է, և սնանկության վերաբերյալ հարկադիր կատարումն ապահովող ծառայություն հայցադիմումի օրինակ չի ներկայացվել:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

## Ո Ր Ո Շ Ե Ց Ի

Գրավի առարկա հանդիսացող ներքոհիշյալ գույքը

| h/h | լրտի անվանումը նկարագիրը                                 | գնահատման գինը    | մեկնարկային գինը  | գույքի քանակը |
|-----|----------------------------------------------------------|-------------------|-------------------|---------------|
| 1.  | MERCEDES-BENZ CLS 55 AMG /2005թ./ 34 VN 105 պետհամարանիշ | 3.500.000 ՀՀ դրամ | 2.625.000 ՀՀ դրամ | մեկ հատ       |

ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ [harkadir.ajurd.am](http://harkadir.ajurd.am) միջոցով: Հարկադիր էլեկտրոնային աճուրդի սկիզբը՝ 14.11.2018թ.:

Որոշման պատճենը ուղարկել կողմերին

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրնքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

**ՀԱՐԿԱԴԻՐ ԿԱՏԱՐՈՂ**

**ԱՐԴԱՐԱԴԱՏՈՒԹՅԱՆ ԿԱՊԻՏԱՆ՝**

**Ա. ԱՎԱԳՅԱՆ**

**Ծ Ա Ն Ո Թ ՈՒ Թ Յ ՈՒ Ն** Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: